

# Мана неквр

Тосхлтин кӧдлмшт, хамгин тӱрӱн болдж производствен сӑн диг-даран, кӱч-кӧлс диг-гтӑ-тактагъар бӱрдӑлгън, тор-гъуль угагъар, цагтнь тосхл-тин материалар тетгӱлгън кер-гтӑ.

Болв эн гол тӧрмӱдт 2-ч номертӑ тосхлтин управлень сӑн оньган тӑвхш. Проабсин болн десятникӱдин халхас тодрха гардвр уган уршгар, тосхлтин кӧдлмшчнр кӧдлм-шин цагин зӧвӑр хӱвинь бӑр-джӑх гермӱдин альк-нег де-талинь хӑӑлгънд ӱрӑнӑ. Да-кад кесг саамдан герин ул тӑвх чолун, бешин тоссх, эс гидж цементн раствор уга болдж йовдлмуд гарна.

Тосхлтин гардачнр, тосхл-тин полигонд бӑӑх материал-сан цагтнь олдж, тосхлтин объектсӱр авч ирхш. Тегӑд кӧдлмшчнр полин доск, ора-лх шифр, эс-гидж бешин тоо-сх кӱлӑлдӑд, хара гишнӑ бӑӑ-цхӑнӑ.

Ода ӱвл ӧрдӑд, киитн эк-лӑд болдж йовна. Болв тос-

хгдсн гермӱд цугтан гишнӑ беш уга зогсджана. Тосхл-тин управленӑ гардачнр эн тоотар сӑӑнӑр сандж-ухалдж, белн болчксн гермӱд болгънд ахр цагин эргцд беш тӑвхин аргъ хӑӑцхӑх зӧвтӑ.

Би эврӑн модна урмб. Эв-рӑннь бригадтан нургълдж гер ораллгъна нӑрн кӧдлмшт орлцнав. Кергтӑ болсн цагт шаврин болн чолуна чигн кӧдлмш кенӑв.

Тосхлтин олн-зӱсн кӧдлмш кегъӑ йовдж, беш тӑвдг эр-дм дасув. Ода шин гермӱдт бешмӱд тӑвлгънд орлцдж, эн эркн чинртӑ кӧдлмш тӱргӑр кӱцӑхд эврӑ дӧнӑ-тусан кӱр-гхӑр седджӑнӑв.

Мана тосхлтин управленӑ гардачнр, тосхлтин объектсин дуту-дундсинь меддж, тос-хачнрла залгълда бӑрдж, тос-хгдджах гермӱд болгъиг тор-гъуль угагъар альк-нег тос-хлтин материалар тетгджӑ-хиг некджӑнӑвдн.

С-Г. КОТКАЕВ,  
тосхлтин управленӑ модна урч.